

საკრებულოს თავმჯდომარის ანგარიში

მოგახსენებთ, რომ ახმეტის მუნიციპალიტეტის საკრებულო შედგება 30 არჩეული წევრისაგან, სადაც 10 წევრი არჩეულია მაჟორიტარულ, ხოლო 20 წევრი პროპორციული საარჩევნო სისტემით.

საკრებულოში ფუნქციონირებს საკრებულოს ბიურო, კომისიები და ფრაქციები. ბიურო შედგება შემდეგი შემადგენლობით: საკრებულოს თავმჯდომარე, თავმჯდომარის მოადგილეები, კომისიის თავმჯდომარეები და ფრაქციის თავმჯდომარეებისგან რომლებიც ერთობლივად მუშაობენ საზოგადოებიდან და მერიიდან შემოსული საკითხების განხილვაზე.

საკრებულოს ორგანიზაციულ-ტექნიკურ მომსახურებას უწევს საკრებულოს აპარატი სადაც მუშაობს 7 სამტატო ნუსხით განსაზღვრული თანამშრომელი.

ვალდებულება

მოგახსენებთ, რომ 2021 წლის 3 დეკემბრიდან ვარ ახმეტის მუნიციპალიტეტის საკრებულოს თავმჯდომარე.

თავმჯდომარედ არჩევის დღიდან, მაქვს უდიდესი პასუხისმგებლობა, როგორც საზოგადოების, ისე საკრებულოს ყველა დეპუტატის წინაშე, რომ ვიყო სამართლიანი, ყურადღებიანი, საქმეზე მაქსიმალურად ორიენტირებული თავმჯდომარე.

გამომდინარე იქედან რომ საქართველოს ორგანული კანონის „ადგილობრივი თვითმმართველობის კოდექსი“-ს შესაბამისად საკრებულოს თავმჯდომარე წარმოადგენს მუნიციპალიტეტის საკრებულოს, ჩემს ანგარიშში ყურადღებას გავამახვილებ მიმდინარე წელს საკრებულოს წევრების და ჩემს მიერ საკრებულოში უფლობამოსილ და ქვემდებარე საკითხების გადაწყვეტისათვის გაწეული საქმიანობის თაობაზე.

საკრებულოს თავმჯდომარე ახორციელებს კანონით მისთვის მინიჭებულ უფლებამოსილებებს, რომლებიც არის:

- საკრებულოს სხდომების ორგანიზება;
- საკითხების განხილვა გადაწყვეტილებების მიღება;
- საკრებულოს აპარატის ორგანიზაციული საქმიანობის ხელმძღვანელობა;
- საკრებულოს წარმომადგენლობითი ფუნქციების განხორციელება და სხვა.

მოგახსენებთ რომ 2021 წლის დეკემბრიდან დღემდე ჩატარებულია საკრებულოს 14 სხდომა, მათ შორის: 10 გეგმიური და 4 რიგგარეშე.

მიღებულია 43 დადგენილება.

57 განკარგულება.

გამოცემულია 70 ბრძანება.

მერიაში გაგზავნილია 43 წერილი, მათ შორის:

მერიიდან შემოსულია 74.

მთავრობის ადმინისტრაციაში გაგზავნილია 11 წერილი.

სხვადასხვა ორგანიზაციებიდან შემოსულია 42 წერილი.

ჩემი თავმჯდომარეობის პერიოდში საკრებულოს მიერ მიღებული დადგენილებიდან გამოყოფდი შემდეგ კანონპროექტებს:

- დადგენილება საკრებულოს რეგლამენტის დამტკიცების შესახებ;
- საკრებულოს კომისიების დებულებების დამტკიცების შესახებ;
- ცვლილება შევიდა დადგენილებაში მუნიციპალიტეტის სიმბოლოების - გერბის და დროშის დამტკიცების შესახებ;
- მუნიციპალიტეტის ადმინისტრაციულ საზღვრებში მდებარე გეოგრაფიული ობიექტების სახელდების შესახებ.

ამავე დროს ინიცირებულ იქნა საკრებულოს კომისიებში და ფრაქციების წარმომადგენლობითი კვოტირების განსაზღვრის საკითხი, საკრებულოს კომისიების პერსონალური შემადგენლობები, საკრებულოს უმრავლესობისა და უმცირესობის სიები.

კომისიების დასკვნების საფუძველზე საკრებულოს მიერ მიღებული დადგენილებები და განკარგულებები სრულად შეესაბამება საკანონმდებლო მოთხოვნებს.

საკრებულოს საქმიანობის ერთ-ერთ მთავარ პრიორიტეტს წარმოადგენს სოციალურად დაუცველი მოსახლეობისთვის სოციალური პროგრამების სწორი განსაზღვრა.

ახმეტის მუნიციპალიტეტის ადგილობრივი ბიუჯეტიდან ეკონომიკურად და სოციალურად დაუცველ მოქალაქეთა მკურნალობის, ოპერაციების და გამოკვლევების დაფინანსებისთვის წელს გამოყოფილია 290 000 ლარი, გახარჯულია 248 575 ლარი. დაფინანსებულია 565 ბენეფიციარი.

მედიკამენტებისთვის გამოყოფილია 50 000 ლარი, გახარჯულია 36 943 ლარი.

ახალშობილთა დახმარებისათვის გამოყოფილია 16 000 ლარი, გახარჯულია 9 300 ლარი.

მნიშვნელოვანია სამოქალაქო სექტორთან თანამშრომლობა. ღია მმართველობა და გამჭვირვალობა არის ჩვენთვის პრინციპულად მნიშვნელოვანი. ჩვენ მუდმივად

ვთანამშრომლობთ სხვადასხვა არასამთავრობო ორგანიზაციებთან და მაქვს ხშირი შეხვედრები.

ვცდილობთ მჭიდრო ურთიერთობა ვიქონიოთ სხვადასხვა მუნიციპალიტეტებთან თანამშრომლობისა და გამოცდილების გაზიარების მიზნით.

ახმეტის მუნიციპალიტეტის საკრებულოში შექმნილია გენდერული თანასწორობის საბჭო, რომლის თავმჯდომარეც მე გახლავართ.

საბჭოს სამოქმედო გეგმის ძირითადი მიმართულებაა ძალადობის წინააღმდეგ ბრძოლა. მოწვევადი ჯგუფებია: ბავშვები, მოზარდები, ხანდაზმულები, მარტოხელები, მრავალშვილიანები. საბჭოს მუშაობის მიზანია ნებისმიერი გენდერული დისკრიმინაციული შემთხვევების გამოაშკარავება, მისი აღმოფხვრა, ადრეული ქორწინების პრევენციაზე მუშაობა. სამოქალაქო სექტორის ცნობიერების ამაღლება გენდერული თანასწორობის კუთხით.

გენდერული თანასწორობის საბჭოს წევრებს გვაქვს შეხვედრები სხვადასხვა არასამთავრობო ორგანიზაციებთან.

საკრებულოს კონკრეტულ შედეგებზე ორიენტირებულ საქმიანობას მნიშვნელოვნად განსაზღვრავს კომისიების კარგად ორგანიზებული და ეფექტური მუშაობა. აუცილებელია, რომ საკრებულოში არსებული ხუთი კომისია ყოველთვის პრინციპულად უდგებოდეს საკრებულოს მიერ მისაღები დადგენილებებისა და გადაწყვეტილებების პროექტების წინასწარ განხილვას და მათში შესაბამისი კორექტირების შეტანას.

საკრებულოს მიერ განხილულ საკითხთა და მიღებულ გადაწყვეტილებათა შორის ერთ-ერთი მნიშვნელოვანი იყო მუნიციპალიტეტში არსებული სოციალურ-ეკონომიკური მდგომარეობის და განვითარების სტრატეგიის 2022 წლის სამოქმედო გეგმის ძირითადი პრიორიტეტების დამტკიცება. ამ საკითხის დამტკიცებას წინ უძღოდა თითოეულ სოფელში საკრებულოს და მერიის მიერ შესწავლილი ადგილობრივი მოსახლეობისგან დაყენებული პრობლემატური საკითხები.

მიმდინარე წელს საკრებულოს დახმარებისთვის მომართა უამრავმა ადამიანმა რომელთა უმრავლესობა სოციალურად დაუცველია და მათ მიერ დასმული საკითხები ძირითადად შეეხება სხვადასხვა დახმარების მიღებას, არც ერთი მათგანის თხოვნა არ დარჩენილა ყურადღების გარეშე. საკრებულოს წევრებმა განსაკუთრებული აქტიურობა გამოიჩინეს გეოგრაფიული ობიექტების სახელდების დაინიცირება-მინიჭების საქმეში. პირადად ჩემი ინიციატივით ბიძინა ჩოლოყაშვილის სახელი მიენიჭა ქალაქის ცენტრში არსებულ მოედანს.

ბიუჯეტი

ახმეტის მუნიციპალიტეტის ბიუჯეტის მოცულობა, დამტკიცებული ცვლილებების შესაბამისად შეადგენს 30271,5 ათას (30 მილიონ 271 ათას 500) ლარს.

მიმდინარე წლის განმავლობაში დამტკიცებულ ბიუჯეტში შეტანილია 4 ცვლილება, რაც გამოწვეულია ნაშთის ასახვით, ტრანსფერებით. საკუთარი შემოსავლების საპროგნოზო მაჩვენებლების ცვლილებით და გრანტის დაფინანსებით.

გრანტების საპროგნოზო მოცულობა შეადგენს 10816,4 ათას (ათი მილიონ რვაას თექვსმეტი ათას ოთხას) ლარს, რომელიც განკუთვნილია ტურისტული ინფრასტრუქტურის მოსაწყობად.

ინფრასტრუქტურა

რაც შეეხება ინფრასტრუქტურულ პროექტებს რომლებიც დაფინანსებულია

1. 2022 წელს ადგილობრივი ბიუჯეტის ფარგლებში შეადგენს 2,777,033 ლარს.
2. რეგიონალური განვითარების ფონდიდან დაფინანსებულია 25 პროექტი რაც შეადგენს 5,936,934 ლარს.
3. მთიანი დასახლების განვითარების ფონდიდან დაფინანსებულია 2 პროექტი რომელიც შეადგენს 1000 000 ლარს.
4. ევროკავშირის მიერ დაფინანსებულია 5 პროექტი რომელიც შეადგენს 3,280,183 ლარს.

ჩემს მიერ წარმოდგენილ ანგარიშში შევეცადე მოკლედ გადმომეცა იმ ღონისძიებების თაობაზე, რომელთაც მე და საკრებულოს წევრები ერთად ვახორციელებდით საანგარიშო პერიოდში.

კარგად მაქვს გააზრებული, რომ საკრებულოს მიერ განხორციელებული ღონისძიებები პირდაპირ კავშირშია ჩემი, როგორც საკრებულოს თავმჯდომარის პერსონალურ პასუხისმგებლობასთან.

ზემოთ აღნიშნული თითოეული აქტივობა, არის ჩემი უშუალო ჩართულობით და ხელმძღვანელობით განხორციელებული.

მინდა მადლობა გადავუხადო საკრებულოს ყველა დეპუტატს და თანამშრომელს ჩემთან ერთად გაწეული საქმიანობისთვის.

საკრებულოს თავმჯდომარე  ოსები ქარუმაშვილი